



Fondacija tuzlanske zajednice

Vitalni znaci 2019

Konsultacije sa građanima

Razgovor sa članovima Odbora Omladinske banke Srebrenik



Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica, pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



Datum: 06. avgust 2019.

Oblasti za diskusiju: Rad, zapošljavanje, Ekonomija i poduzetništvo, te Pripadnost i vodstvo, ljudska prava

U saradnji sa: Omladinska banka Srebrenik

Lokacija: Kamp Omladinske banke

Broj učesnika: 7

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena i sa dijelom članstva ovogodišnjeg Odbora Omladinske banke Srebrenik.

S obzirom da su učesnici mladi od 16-18 godina, neophodno je uzeti u obzir njihovo slabije iskustvo u funkcionisanju privrede i društva, ali svježije utiske u nekim drugim segmentima poput školstva, odnosa među mladima kao i njihovim potrebama, te viđenju cjelokupne zajednice iz njihove perspektive. Nakon što je učesnicima predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Većina učesnika se složilo da je stanje u oblasti “Rad, zapošljavanje, ekonomija i poduzetništvo” odlično, te da možemo biti uzor drugima iz razloga što postoji veliki broj poduzetnika koji zapošljavaju veliki broj radnika, te posluju i međunarodno što doprinosi ne samo Gradu Srebrenik nego državi, pospješujući izvoz i povećavajući domaću proizvodnju i potrošnju. Dva učesnika su se izjasnila da je stanje u ovoj oblasti zadovoljavajuće, te je potrebno uložiti napor da se situacija održi ili poboljša, dok samo jedan učesnik smatra da je stanje u ovoj oblasti zabrinjavajuće, osvrćući se i na nezanemarljiv broj neregistrovanih obrtnika što se vezuje za sivu ekonomiju i direktno siromašenje budžeta.

Smatraju da je ono što dobro funkcioniše u zajednici to što Javnim pozivima, natječajima i sl. objavljenim od strane Grada, postoji mnogo prilika za sticanje podrške prilikom realizacije poduzetničkih ideja, ali da treba više poraditi na vrednovanju, obnovi i uređenju pristupa kulturnim znamenitostima kojima je Srebrenik bogat, a koji mogu značajno da doprinesu razvoju turizma u Srebreniku.

Za oblast “Pripadnost i vodstvo, ljudska prava” većina učesnika se izjasnila da je stanje zabrinjavajuće, situacija zahtjeva ozbiljnu društvenu reakciju, a samo dva učesnika smatraju da je situacija zadovoljavajuća i da je potrebno uložiti napor da se situacija održi ili poboljša.

Ono što zabrinjava učesnike i na čemu treba raditi da bi se poboljšalo, bez obzira što je trenutno vodstvo dobro i transparentno što je po njihovom mišljenju jedna od stavki kako bi trebala izgledati “zdrava”, “vitalna” zajednica, jeste slaba osviještenost građanstva o demokratskom odlučivanju i značaju pojedinca na zajednicu. Građani treba da se osvrću na dugoročniji efekat njihovih odluka. Također, određeni poslovi treba da budu prepušteni mladima koje prije svega treba osnažiti i uputiti kako treba odgovorno i na koji način voditi zajednicu.



Rad, zapošljavanje, ekonomija i poduzetništvo

Članovi Omladinske banke Srebrenik su rekli

Kako izgleda „zdrava“, „vitalna“ zajednica?

- mladi po završetku školovanja odmah dobiju zaposlenje u struci ili gdje žele
- poduzetnici i obrtnici redovno plaćaju poreze i doprinose te ispunjavaju sve obaveze prema državi
- mladi bivaju subvencionirani prilikom želje za pokretanjem vlastitog biznisa i realizacije svoje ideje (dobiju podršku od Grada/Opštine)

Šta dobro funkcioniše u vašoj zajednici?

- postoji mnogo prilika za sticanje podrške prilikom realizacije poduzetničkih ideja
- dosta poduzetnika
- dobro raspoređen gradski budžet
- izgradnja na dobrom nivou

Šta se može poboljšati u zajednici?

- povećati cijenjenost i bolje iskoristiti kulturne znamenitosti kojima je Grad Srebrenik bogat
- poboljšati turizam
- smanjiti sivu ekonomiju

Pripadnost i vodstvo, ljudska prava

Članovi Omladinske banke Srebrenik su rekli

Kako izgleda „zdrava“, „vitalna“ zajednica?

- poštivanje zakona i pravila u društvu
- “u jedinstvu je snaga”- sloga
- sloboda izbora
- demokratsko odlučivanje
- transparentno vodstvo bez malverzacija
- pravilno raspoređen budžet i validan utrošak sredstava

Šta dobro funkcioniše u vašoj zajednici?

- sloboda izbora
- transparentnost vodstva
- dobro trenutno vodstvo
- osjećaj pripadnosti kolektivu



Šta se može poboljšati u zajednici?

- osvijestiti građane o demokratiji i demokratskom odlučivanju kao i jačini uticaja pojedinca na zajednicu
- osvijestiti mlade o pravilnom vođenju zajednice jer “na mladima svijet ostaje”

Šta ja mogu uraditi da dopinesem izgradnji zdravije i bolje zajednice?

- kupujem domaće
- budem poduzetnički orijentisan tražeći ideje i koristeći prilike iz zajednice
- upozoravam na značaj registracije i prijavim sivu ekonomiju
- učim i razvijam se kako bi se osnažio i jednog dana stekao kompetencije dobrog upravljanja zajednicom
- razmišljam i djelujem demokratski
- poštovati zakone i pravila u društvu
- širim činjenice o značaju pojedinca u zajednici